

Թէպէտեւ Յոյնք խոստացան տալ նմա 30,000 դահեկան, զի գրեցէ զնոսա հետեւակ Յունաց եւ քաղաքապետան բռնադատէր զնոսա խոստովանիլ այնպէս, մինչեւ արգել զնոսա շերթալ բնաւ 'ի վանս Հայոց . բայց դատաւորն ոչ մատոյց ունին բանից նորին : Եւ միշտ հակառակութեամբ վարէր ընդ Թարգմանին Հայոց, և պատճառելով զայլ և այլ իրս կեղեքէր զնա, մինչեւ եհաս գումարն 2000, այլ նա ոչ ասէր երբէք բաւ . և առաւել գրգռեալ արգել նախատանօք զԹարգմանն մտանել յապարանս կառավարութեան, եւ սպառնայր կացուցանել պահակս 'ի դուռն վանաց . եւ 'ի միում նուագի մտեալ ուղտօք 'ի վանս սակս կրի՝ ետ բեռնաւորել զնոսա բռնութեամբ, և առ սյս ոչ ինչ կարացին ընդդիմանալ միաբանք, եւ այլ սոցին նման անկարգութիւնք բաղում, զորս աւելորդ է գրեւ, Թէպէտեւ սաստեաց նմա Դատաւորն քանիցս, այլ նա ոչ անայր բանից նորա, յոյր սակս գրեաց առ կուսակալն և ընկէց զնա յիշխանութենէ և կացոյց 'ի տեղի նորա զհին քաղաքապետն, որ էր 'ի ժամանակի հրդեհին Ս. Յարութեան : Իսկ վանցի Աւետիս Թարգմանն ձանձրացեալ 'ի պաշտօնէ իւրմէ հրաժարեցաւ, և 'ի տեղի նորա եղին զՄկրտիչ վարդապետ զմն, այր անվարժ եւ անհմուտ . լուեալ զայս գլխաւորաց ազգին գրեցին առ նա գիր սիրոյ և յորդորանաց, անտեղի համարել զոր ինչ լուեալն էր, և վարել զպաշտօն իւր խոհեմութեամբ յօգուտ Ս. Աթուոյն, և նորա ստիպեալ աստի և 'ի յորդորական բանից Պատրիարքին և միաբանաց՝ վերադին յանձն առ զպաշտօնն :

Պարտատեարք՝ որոց բազումք էին յազգէ Յունաց՝ յաւելին զտոսկոսս գրամաց՝ և պահանջէին զընծայս, և ասպս սկսան խնդրել իսկ զմայր գումարսն, որով տագնապէր Թէոօրոս Պատրիարք : Եհաս գիր հրամանի յերուսողէմ առ երխս ազգըս 'ի կուսակալէն Դամասկոսի, առաքել անդ մէն մի բանիբուն անձինս՝ և ընդ նոսա վաւերական գրեանս, անօրինեւ և հրամայել ըստ մտաց նոցին, և ըստ հրամանի Արքային կարգաւորել զամենայն գործս : Յոյնք և Լատինք յղեցին, իսկ Հայք գրեցին գիր աղերսախառն ներել ինքեանց, զի վաւերական գրեանքն էին 'ի կոստանդինուպօլիս :